

ქ. თბილისი

13 იანვარი 2021 წ.

ერთის მხრივ, სსიპ - დევნილთა, ეკომიგრანტთა და საარსებო წყაროებით უზრუნველყოფის სააგენტო (შემდგომში „შემსყიდველი“), წარმოდგენილი დირექტორის ბესარიონ სიმონიშვილის სახით და მეორეს მხრივ, შპს „ნიუ სითი“ (შემდგომში „მიმწოდებელი“), წარმოდგენილი მისი დირექტორის მალბაზ ფერაძის სახით, შემდგომში ერთობლივად წოდებული მხარეებად, ვხელმძღვანელობთ რა, საქართველოს მოქმედი კანონმდებლობით, მათ შორის, „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „ბ“ ქვეპუნქტის, „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სსიპ სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანებით დამტკიცებული წესის მე-3 მუხლის პირველი პუნქტის „ბ“ ქვეპუნქტისა და სახელმწიფო შესყიდვების სააგენტოს თავმჯდომარის 2021 წლის 11 იანვრის №82-ე განკარგულების საფუძველზე (SMP210000017), ვდებთ წინამდებარე ხელშეკრულებას შემდეგზე:

### მუხლი 1. ხელშეკრულებაში გამოყენებულ ტერმინთა განმარტება

წინამდებარე ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - „შემსყიდველსა“ და „მიმწოდებელს“ შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, რომელიც მოხსენიებულია წინამდებარე ხელშეკრულებაში.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს „შემსყიდველმა“ „მიმწოდებლის“ მიერ „ხელშეკრულებით“ ნაკისრი ვალდებულებების სრული და ჯეროვნული შესრულებისათვის.
- 1.3. „დღე“, „კვირა“, „თვე“, „წელი“ - კალენდარული დღე, კვირა, თვე, წელი.
- 1.4. „სამუშაო დღე“ - დღე, გარდა შაბათი-კვირისა და კანონმდებლობით განსაზღვრული უქმე დღეებისა.
- 1.5. „შემსყიდველი“ - სსიპ - დევნილთა, ეკომიგრანტთა და საარსებო წყაროებით უზრუნველყოფის სააგენტო.
- 1.6. „მიმწოდებელი“ - პირი, რომელიც ახორციელებს „ხელშეკრულებით“ გათვალისწინებული „სამუშაოს“ მიწოდებას.
- 1.7. „სამუშაო“ - „ხელშეკრულების“ მე-2 მუხლით გათვალისწინებული ხელშეკრულების საგანი.
- 1.8. „გეგმა-გრაფიკი“ - „მიმწოდებლის“ მიერ „შემსყიდველთან“ შეთანხმებული შესასრულებელი სამშენებლო-სარეაბილიტაციო „სამუშაოების“ ჩამონათვალი და მასში განსაზღვრული მონაკვეთების/ეტაპების შესრულების ვადები.
- 1.9. „ინსპექტირება“ - „შემსყიდველის“ მიერ „მიმწოდებლის“, „ხელშეკრულებით“ ნაკისრი ვალდებულებების შესრულების მონიტორინგი, ასევე „გეგმა-გრაფიკით“ გათვალისწინებული ვადების დაცვის შესაბამისობის შემოწმება სამუშაოების დაწყებიდან ხელშეკრულებით განსაზღვრული პერიოდულობით.
- 1.10. „კომუნიკაციის საშუალებები“ - ხელშეკრულების მე-17 მუხლში მითითებული მხარეთა იურიდიული საკონტაქტო საშუალებები (იურიდიული და ფაქტობრივი მისამართი, ტელეფონი, ელ. ფოსტა, ფაქსი).
- 1.11. მიღება-ჩაბარების აქტი“ - ექსპერტიზის დასკვნის წარმოდგენის შემდგომ, „სამუშაოს“ დასრულების და „შემსყიდველის“ მიერ მიღების დადასტურება, მხარეთა მიერ ხელმოწერილი მიღება-ჩაბარების აქტის საფუძველზე.
- 1.12. ექსპერტიზის დასკვნა - „მიმწოდებლის“ მიერ ხელშეკრულების პირობების შესაბამისად, ხელშეკრულებით ნაკისრი ვალდებულებების შესრულების დადასტურება სსიპ „ლევან სამხარაულის სახელობის სასამართლო ექსპერტიზის ეროვნულ ბიუროს“ ან სხვა, საქართველოს კანონმდებლობის შესაბამისად, აკრედიტებული პირის შესაბამისი დასკვნით.

### მუხლი 2. ხელშეკრულების საგანი

- 2.1. სსიპ - დევნილთა, ეკომიგრანტთა და საარსებო წყაროებით უზრუნველყოფის სააგენტოს მიერ ზუგდიდის მუნიციპალიტეტში, სოფ. ნარაზენში მდებარე დევნილთა განსახლების ობიექტის (ს/კ 43.12.46.116.) სახურავის გადახურვის სამუშაოების სახელმწიფო შესყიდვა თანდართული სახარჯთაღრიცხვო დოკუმენტაციისა და გეგმა-გრაფიკის საფუძველზე, რომლებიც წარმოადგენენ ამავე ხელშეკრულების განუყოფელ ნაწილს;
- 2.2. CPV 45200000 - „მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები“;
- 2.3. CPV 45261210 - სახურავის გადახურვა.

### მუხლი 3. ხელშეკრულების ღირებულება

- 3.1. „ხელშეკრულების ღირებულება“ შეადგენს 50 047,78 (ორმოცდაათი ათას ორმოცდაშვიდი ლარი და 78 თეთრი) ლარს.
- 3.2. „ხელშეკრულების ღირებულება“ მოიცავს როგორც უშუალოდ „სამუშაოს“ ღირებულებას, ასევე მის შესრულებასთან დაკავშირებით გასაწევ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3. „ხელშეკრულების ღირებულება“ შესაძლებელია შემცირდეს ამ „ხელშეკრულების“ პირობების გათვალისწინებით, წარმოდგენილი შესაბამისი საექსპერტო დასკვნის საფუძველზე.

### მუხლი 4. სამუშაოს შესრულების ადგილი და დასრულების ვადა

- 4.1. „სამუშაოს“ შესრულების ადგილი: ზუგდიდის მუნიციპალიტეტში, სოფ. ნარაზენში მდებარე დევნილთა განსახლების ობიექტი (ს/კ 43.12.46.116..)
- 4.2. „სამუშაოს“ დასრულების ვადა: „სამუშაო“ უნდა შესრულდეს: **ხელშეკრულების დადებიდან - 45 კალენდარული დღე, 2021 წლის 27 თებერვლის ჩათვლით.**
- 4.3. 4.2. პუნქტით განსაზღვრული „სამუშაოს“ დასრულების ვადა, განსაკუთრებულ შემთხვევაში, მხარეთა წერილობითი შეთანხმებით, შეიძლება გაგრძელდეს „სამუშაოს“ შესრულებისათვის აუცილებელი გონივრული ვადით, იმ შემთხვევაში, თუ „მიმწოდებელი“ შესაბამისი წერილობითი მოთხოვნით მიმართავს „შემსყიდველს“ „სამუშაოს“ დასრულების ვადის გასვლამდე არაუგვიანეს 10 სამუშაო დღისა. ამ შემთხვევაში „მიმწოდებლის“ მიმართ არ გამოიყენება ხელშეკრულების 11.2. პუნქტით გათვალისწინებული პასუხისმგებლობის ზომა;
- 4.4 4.3. პუნქტით გათვალისწინებული 10 სამუშაო დღის ვადის დარღვევის შემთხვევაში, 4.2. პუნქტით განსაზღვრული ვადა, მხარეთა წერილობითი შეთანხმების საფუძველზე, შეიძლება გაგრძელდეს ხელშეკრულების 11.2. პუნქტში მოცემული პირობის გათვალისწინებით. ამ შემთხვევაში, „მიმწოდებელს“ შესაბამისი პირგასამტეხლო დაეკისრება 4.2. პუნქტში აღნიშნული სამუშაოს დასრულების თარიღიდან, ამ პუნქტში აღნიშნული შეთანხმების გაფორმების თარიღამდე.

### მუხლი 5. მხარეთა უფლება-მოვალეობები

- 5.1. „შემსყიდველი“ უფლებამოსილია მოსთხოვოს „მიმწოდებელს“ „ხელშეკრულებით“ ნაკისრი ვალდებულებების სრული და ჯეროვნული შესრულება ხელშეკრულებით განსაზღვრულ ვადებში.
- 5.2. „შემსყიდველი“ ვალდებულია უზრუნველყოს გაწეული „სამუშაოს ღირებულების“ ანაზღაურება „ხელშეკრულებით“ გათვალისწინებული პირობებისა და ვადების დაცვით;
- 5.3. „მიმწოდებელი“ უფლებამოსილია მოსთხოვოს „შემსყიდველს“ „სამუშაოს ღირებულების“ ანაზღაურება „ხელშეკრულებით“ გათვალისწინებული პირობებისა და ვადის დაცვით.
- 5.4. „მიმწოდებელი“ ვალდებულია:
  - ა) განახორციელოს „სამუშაო“ ჯეროვნად, კეთილსინდისიერად, ხარისხიანად და სრულად, „ხელშეკრულების“ მე-4 მუხლის 4.2. პუნქტით განსაზღვრულ ვადაში;
  - ბ) „შემსყიდველის“ მიერ „სამუშაოს“ დასრულებამდე, ასევე „ხელშეკრულების“ მე-6 მუხლის 6.2 პუნქტით გათვალისწინებულ პერიოდში, გამოვლენილი დეფექტი, ნაკლი ან/და უხარისხოდ შესრულებული სამუშაო, საკუთარი სახსრებით აღმოფხვრას „შემსყიდველის“ მიერ წერილობითი შეტყობინებით განსაზღვრულ ვადაში;
  - გ) შესრულებული სამუშაოს მოცულობების (ფორმა N 2) და საპროექტო-სახარჯთაღრიცხვო დოკუმენტაციასთან მისი შესაბამისობის დადგენის მიზნით, მიღება - ჩაბარებ(ებ)ის აქტ(ებ)ის გაფორმებამდე „შემსყიდველს“ წარუდგინოს ექსპერტიზის დასკვნა. საექსპერტო მომსახურების ღირებულებას „მიმწოდებელი“ ანაზღაურებს საკუთარი ხარჯებით;
  - დ) „შემსყიდველს“ დაუყოვნებლივ, წერილობით აცნობოს სამუშაოების „გეგმა-გრაფიკით“ გათვალისწინებულ ვადაში სრულად დამთავრების შესახებ და წარმოადგინოს „ხელშეკრულების“ პირობებით განსაზღვრული შესაბამისი დოკუმენტაცია, მათ შორის, მიმართვა (წერილის ასლი) გაგზავნილი სსიპ - „ლევან სამხარაულის სახელობის სასამართლო ექსპერტიზის ეროვნულ ბიუროში“ ან სხვა აკრედიტებული პირთან შესრულებული სამუშაოს საინჟინრო-ტექნიკური ექსპერტიზის ჩატარების თაობაზე;
  - ე) მოიპოვოს „ხელშეკრულებით“ გათვალისწინებულ სამუშაოების შესრულებასთან დაკავშირებული კანონმდებლობით განსაზღვრული ყველა საჭირო ნებართვა და/ან თანხმობა და/ან უფლება, საკუთარი ხარჯებით.
  - ვ) „სამუშაოს“ დასრულებისთანავე გაათავისუფლოს სამშენებლო მოედნის სრული ტერიტორია სამშენებლო მოწყობილობა-დანადგარებისაგან და სხვადასხვა ნარჩენებისაგან, ასევე დაიცვას და უზრუნველყოს სამშენებლო მოედნის ფარგლებში მდებარე ხეებისა და მცენარეების დაუზიანებლობა და სიცოცხლისუნარიანობა, მინიმუმამდე დაიყვანოს მუშაობით გამოწვეული ხმაურის, ვიბრაციისა და მტვრის გარემოზე გავლენა.
  - ზ) დაიცვას საქართველოს კანონმდებლობით სამშენებლო სამუშაოების წარმოებისათვის განსაზღვრული ნორმები (მათ შორის შრომის უსაფრთხოება), წინააღმდეგ შემთხვევაში დაეკისრება კანონმდებლობით განსაზღვრული შესაბამისი პასუხისმგებლობა;

თ) საქართველოს კანონმდებლობით დადგენილი წესით, ანაზღაუროს მის მიერ ხელშეკრულების საგნით გათვალისწინებული ქმედების შედეგად მიყენებული ზიანი.

5.5. ფარული სამუშაოების აქტებს (ასეთის არსებობის შემთხვევაში) დაადასტურებს „ხელშეკრულებით“ ინსპექტირებისათვის განსაზღვრული პირ(ებ)ი, ამასთან, მიმწოდებელი ვალდებულია წინასწარ 2 (ორი) სამუშაო დღით ადრე, წერილობით ან ზეპირი საშუალებით აცნობოს „შემსყიდველს“ აღნიშნული სამუშაოების შესრულების თარიღის შესახებ. „მიმწოდებელი“ ვალდებულია „შემსყიდველს“ წარმოუდგინოს ფარული სამუშაოების შესრულების ამსახველი ფოტო მასალა.

5.6. „მხარეები“ ვალდებულნი არიან ხელშეკრულების მე-18 მუხლში მითითებულ მათ „კომუნიკაციის საშუალებებში“ ნებისმიერი ცვლილების თაობაზე შესაბამის მხარეს დაუყოვნებლივ აცნობონ წერილობით.

## მუხლი 6. გარანტია

6.1. „ხელშეკრულების“ საფუძველზე შესრულებული „სამუშაოს“ საგარანტიო ვადაა 5 (ხუთი) წელი მიღება-ჩაბარების აქტის გაფორმებიდან.

6.2. თუ შესრულებული „სამუშაოს“ საგარანტიო ვადის ამოწურვამდე, ექსპლუატაციის პერიოდში გამოვლინდება შესრულებული „სამუშაოს“ ხარვეზი, „მიმწოდებელი“ ვალდებულია, „შემსყიდველის“ მიერ წერილობითი შეტყობინებით განსაზღვრულ ვადაში, უზრუნველყოს აღნიშნული ხარვეზის აღმოფხვრა.

## მუხლი 7. ინსპექტირება

7.1. „შემსყიდველი“ ატარებს „ინსპექტირებას“ „ხელშეკრულების“ პირობების შესაბამისად, რისთვისაც გამოყოფს უფლებამოსილ პირ(ებ)ს, რომლებიც ამოწმებენ ხელშეკრულების მიხედვით ნაკისრი ვალდებულებების შესრულებას, მათ შორის: გეგმა-გრაფიკს, სამუშაოების შესრულების შესაბამისობას პროექტთან და ხარისხს. ხოლო „მიმწოდებელი“ ვალდებულია ხელი შეუწყოს მას/მათ „ინსპექტირების“ განხორციელების დროს.

7.2 მიმწოდებლის მიერ ხელშეკრულებით ნაკისრი ვალდებულებების შესრულების მონიტორინგი განხორციელდება ნებისმიერ დროს.

7.3. „გეგმა-გრაფიკით“ გათვალისწინებული ვადების დაცვის შესაბამისობის შემოწმების პერიოდულობა განისაზღვრება ხელშეკრულებას თანდართულ გეგმა-გრაფიკში მოცემული სამუშაოების შესრულების მონაკვეთების/ეტაპების თარიღების შესაბამისად.

7.4. *„ინსპექტირებას“ განხორციელებენ სააგენტოს სამეგრელოს, ზემო სვანეთის, გურიისა და აჭარის ტერიტორიული სამმართველოს უფროსი - გელა ნაჭყებია და ამავე სამმართველოს შრომითი ხელშეკრულებით დასაქმებული პირი-ზურაბ გერგედავა.*

## მუხლი 8. სამუშაოს მიღება-ჩაბარება

8.1. შესასრულებელი სამუშაოების მიღება-ჩაბარება ხორციელდება მთლიანად სამუშაოს შესრულების დამადასტურებელი ფორმა N-2-ის, ექსპერტიზის დასკვნის საფუძველზე შედგენილი შესაბამისი მიღება-ჩაბარების აქტ(ებ)ის ხელმოწერისა და კანონმდებლობით გათვალისწინებული სხვა დოკუმენტაციის (მათ შორის ფარული სამუშაოების(ასეთის არსებობის შემთხვევაში) ჩატარების აქტის წარმოდგენის საფუძველზე.

8.2. „ხელშეკრულების“ მე-4 მუხლის 4.2. პუნქტით განსაზღვრულ ვადაში „მიმწოდებლის“ მიერ „სამუშაოს“ დასრულების დადასტურება ხდება მხარეთა შორის შესაბამისი აქტის ხელმოწერით.

8.3. „შემსყიდველის“ მხრიდან ამ მუხლის 9.1. და 9.2. პუნქტებში აღნიშნულ აქტებს ხელს მოაწერს „ხელშეკრულების“ მე-8 მუხლის 8.4. პუნქტით განსაზღვრული უფლებამოსილი პირ(ებ)ი.

## მუხლი 9. ანგარიშსწორება

9.1. ანგარიშსწორება ხორციელდება უნაღდო ანგარიშსწორებით ლარებში, საქართველოს კანონმდებლობით დადგენილი წესით „შემსყიდველისათვის“ გამოყოფილი შესაბამისი საბიუჯეტო ასიგნებების ფარგლებში.

9.2. ანგარიშსწორება ხორციელდება მთლიანად, მხარეებს შორის გაფორმებული მიღება-ჩაბარების აქტ(ებ)ის საფუძველზე, შესაბამისი მიღება-ჩაბარების აქტის გაფორმებიდან 10 (ათი) სამუშაო დღის ვადაში.

9.3. „შემსყიდველის“ მიერ „მიმწოდებელთან“ ანგარიშსწორება ხორციელდება ხელშეკრულებით გათვალისწინებული სამუშაოების შესრულების დამადასტურებელი დოკუმენტაციის წარმოდგენის, კერძოდ, ექსპერტიზის დასკვნის შემდგომ, „ხელშეკრულების“ მხარეთა შორის გაფორმებული მიღება-ჩაბარების აქტის, ფორმა N2-ისა და ფარული სამუშაოების ჩატარების აქტის (ფარული სამუშაოების შესრულების შემთხვევაში) საფუძველზე.

## მუხლი 10. ფორს-მაჟორი

10.1. მხარეებს არ დაეკისრებათ პასუხისმგებლობა „ხელშეკრულებით“ გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

10.2. ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო „ხელშეკრულებით“ ნაკისრი ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

10.3. ფორს-მაჟორული გარემოებების დადგომის შემთხვევაში „ხელშეკრულების“ მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე, შეტყობინების ყველა შესაძლო საშუალებით, უნდა გაუგზავნოს ინფორმაცია მეორე მხარეს ასეთი გარემოებებისა და მათი გამომწვევი მიზეზების შესახებ.

## მუხლი 11. მხარეთა პასუხისმგებლობა

11.1. „ხელშეკრულებით“ მხარეთა მიერ ნაკისრი ვალდებულებების შეუსრულებლობის შემთხვევაში, მხარეებს დაეკისრებათ პასუხისმგებლობა ხელშეკრულებით და კანონმდებლობით გათვალისწინებული წესით.

11.2. „ხელშეკრულების“ მე-5 მუხლის 5.4. პუნქტის „ა“ ქვეპუნქტით გათვალისწინებული ვალდებულების დარღვევის შემთხვევაში, „მიმწოდებელს“ ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

11.3. „ხელშეკრულების“ მე-5 მუხლის 5.4. პუნქტის „ბ“ ქვეპუნქტით გათვალისწინებული ვალდებულების დარღვევის შემთხვევაში, „მიმწოდებელს“ ეკისრება პირგასამტეხლო ყოველ ვადაგადაცილებულ დღეზე „ხელშეკრულების“ ღირებულების 0.02%-ის ოდენობით.

11.4. „მიმწოდებლის“ მხრიდან, „სამუშაოს“ სრულად შეუსრულებლობის შემთხვევაში, „შემსყიდველი“ აკისრებს ჯარიმას „მიმწოდებელს“, „ხელშეკრულების ღირებულების“ 10%-ის ოდენობით, ხოლო ნაწილობრივ შეუსრულებლობისას - შეუსრულებელი სამუშაოს ღირებულების 10%-ის ოდენობით და ცალმხრივად წყვეტს „ხელშეკრულების“ მოქმედებას.

11.5. თუ „მიმწოდებელი“ არღვევს „ხელშეკრულების“ მე-5 მუხლის 5.4. პუნქტით მის მიერ ნაკისრ სხვა ვალდებულებებს, „შემსყიდველი“ აკისრებს „მიმწოდებელს“ ჯარიმას „ხელშეკრულების ღირებულების“ 0,2%-ის ოდენობით და/ან ცალმხრივად წყვეტს ხელშეკრულების მოქმედებას.

11.6. თუ „მიმწოდებელი“ არღვევს „ხელშეკრულების“ მე-5 მუხლის 5.5. პუნქტებით მის მიერ ნაკისრ ვალდებულებას, „შემსყიდველი“ აკისრებს „მიმწოდებელს“ ჯარიმას „ხელშეკრულების ღირებულების“ 0,05%-ის ოდენობით და/ან ცალმხრივად წყვეტს ხელშეკრულების მოქმედებას.

11.7. თუ „ხელშეკრულებით“ გათვალისწინებული დაანგარიშებული და/ან დაკისრებული პირგასამტეხლოების ჯამური ოდენობა აღემატება „ხელშეკრულების ღირებულების“ 5%-ს, „შემსყიდველი“ უფლებამოსილია ცალმხრივად შეწყვიტოს ხელშეკრულების მოქმედება.

11.8. პირგასამტეხლოს გადახდა არ ათავისუფლებს „მიმწოდებელს“ „ხელშეკრულებით“ ნაკისრი ვალდებულებების შესრულებისაგან.

11.9. ამ მუხლის 11.5. და 11.6. პუნქტებით გათვალისწინებული ჯარიმა არ დაეკისრება „მიმწოდებელს“, თუ შესაბამისი ვალდებულებების შეუსრულებლობა გამოწვეულია მისგან დამოუკიდებელი მიზეზებით.

## მუხლი 12. ხელშეკრულებაში ცვლილებების შეტანა

12.1. ნებისმიერი ცვლილება „ხელშეკრულებაში“ შესაძლებელია განხორციელდეს მხოლოდ წერილობითი ფორმით, ორივე მხარის უფლებამოსილი წარმომადგენლის ხელმოწერით.

12.2. თუ რაიმე წინასწარ გაუთვალისწინებელი მიზეზების გამო წარმოიშობა „ხელშეკრულების“ პირობების შეცვლის აუცილებლობა, ცვლილებების შეტანის ინიციატორი ვალდებულია 10 (ათი) დღით ადრე წერილობით შეატყობინოს მეორე მხარეს შესაბამისი ინფორმაცია.

12.3. „ხელშეკრულების“ პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება „ხელშეკრულების“ პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

12.4. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ღირებულების გაზრდა დაუშვებელია „ხელშეკრულების“ ღირებულების 10%-ზე მეტი ოდენობით.

**მუხლი 13. დავების გადაწყვეტა**

- 13.1. „ხელშეკრულების“ შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.
- 13.2. თუ ასეთი მოლაპარაკების დაწყებიდან 10 (ათი) დღის განმავლობაში „შემსყიდველი“ და „მიმწოდებელი“ ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

**მუხლი 14. ხელშეკრულების შეწყვეტა**

- 14.1. „ხელშეკრულება“ შეიძლება შეწყდეს მხარეთა წერილობითი შეთანხმების საფუძველზე;
- 14.2. „შემსყიდველი“ უფლებამოსილია ცალმხრივად შეწყვიტოს „ხელშეკრულების“ მოქმედება:
- ა) ხელშეკრულების“ მე-11 მუხლის 11.4., 11.5., 11.6., 11.7. პუნქტებით გათვალისწინებულ შემთხვევებში;
  - ბ) მოქმედი კანონმდებლობით დადგენილ სხვა შემთხვევებში.
- 14.3. „ხელშეკრულების“ ცალკეული პირობების მოქმედების შეწყვეტა არ ათავისუფლებს „მიმწოდებელს“ „ხელშეკრულებით“ განსაზღვრული სხვა ვალდებულებების შესრულებისაგან.



**მუხლი 15. ხელშეკრულების მოქმედების ვადა**

- 15.1 „ხელშეკრულება“ ძალაშია მხარეთა მიერ მისი ხელმოწერიდან და მოქმედებს 2021 წლის 31 აპრილის ჩათვლით, გარდა მე-6 მუხლის 6.2. და მე-11 მუხლის 11.3. და 11.5. პუნქტებისა.
- 15.2. „ხელშეკრულების“ მე-6 მუხლის 6.2. და მე-11 მუხლის 11.3. და 11.5. პუნქტები ძალაშია „სამუშაოს“ შესრულების საგარანტიო პერიოდის განმავლობაში.

**მუხლი 16. სხვა პირობები**

- 16.1. „ხელშეკრულებით“ გაუთვალისწინებელი პირობები რეგულირდება საქართველოს კანონმდებლობით.
- 16.2. ხელშეკრულება შედგენილია ქართულ ენაზე და მასზე შესრულებულია კვალიფიციური ელექტრონული ხელმოწერა ან/და დასმულია კვალიფიციური ელექტრონული შტამპი, კანონმდებლობით დადგენილი წესის შესაბამისად.
- 16.3. „ხელშეკრულებასთან“ დაკავშირებული ნებისმიერი მიმოწერა შესრულებული უნდა იყოს ქართულ ენაზე.

**მუხლი 17. მხარეთა იურიდიული რეკვიზიტები**

„შემსყიდველი“	„მიმწოდებელი“
სსიპ - დევნილთა, ეკომიგრანტთა და საარსებო წყაროებით უზრუნველყოფის სააგენტო  ქ. თბილისი, თამარაშვილის 15ა, საიდ.კოდი: 200293324    ბესარიონ სიმონიშვილი დირექტორი	შპს „ნიუს სითი“ ს. კოდი: 443858960 მის: ქ. თბილისი, როსტეგვანის ქ#1 ბინა 27 ტელეფონი: +995558203003 ელ-ფოსტა: maxoferadze@yahoo.com ბანკი: სს „საქართველოს ბანკი“ ბანკის კოდი BAGAGE22 ა.ა. GE71BG000000810943200    მალხაზ ჯურაძე დირექტორი

Handwritten signatures and initials at the bottom of the page.









მშენებელი ორგანიზაციის კალენდარული და თანხობრივი გეგმა-გრაფიკი

№	სამუშაოების დასახელება	სამუშაოების განსახორციელებლად საჭირო დრო (45 დღე)	გეგმა-გრაფიკი					სამუშაოს ჯამური ღირებულება (ლარი)
			დღეები					
			10	10	10	10	5	
	ქ. ზუგდიდში სოფ. ნარაზენი ხეცერის მუხრანების ბინის ქანობიანი სახურავის მოწყობის სამუშაოები	45 კალენდარული დღე	47.78	1000.00	10000.00	30000.00	9000.00	50047.78

ხელწერილი ინტერესთა კონფლიქტის არარსებობის შესახებ


ჩვენ, ქვემოთ ხელისმომწერნი ვადასტურებთ, რომ ჩვენი მონაწილეობა სსიპ „დევენილთა, ეკომიგრანტთა და საარსებო წყაროებით უზრუნველყოფის სააგენტოს“ მიერ სოფ. ნარაზენში მდებარე დევენილთა განსახლების ობიექტის (ს/კ 43.12.46.116.) სახურავის გადახურვის სამუშაოების გამარტივებული შესყიდვაში (შემწოდებელი - შპს „ნიუ სითი“) არ ეწინააღმდეგება „სახელმწიფო შესყიდვების შესახებ“ მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს.

აღნიშნულს ვადასტურებთ ხელისმომწერით:


სააგენტოს დირექტორი  
ბესარიონ სიმონიშვილი



სააგენტოს დირექტორის მოადგილე  
შოთა არუთინიანი



სააგენტოს იურიდიული დეპარტამენტი უფროსი  
მამუკა კიკალაიშვილი



სახელმწიფო შესყიდვების სამმართველოს  
უფროსი  
მაიკო მიქაია

